

SEGURTASUNA. Legebiltzarrak urtarrilaren 28an bozkatuko du testua osorik, eta Senatuak martxoan aztertuko du

Frantziako Legebiltzarrak Sarkozyren legea onartu du

Ezkerraren ustez, neurri berriek jende pobreenaren eskubideak urratzen dituzte

Erredakzioa | BAIONA

Frantziako Legebiltzarrak alda-keta handirik eragin gabe onartu du Nicolas Sarkozy Barne ministroak aurkeztu duen segurtamen lege egitasmoa. Orogen buru, zigorrak gogortzen dira, eta jendarteko sail ahulenetarikoak zuzenean hunkitzen ditu.

Legebiltzarrak joan den astean ekin zion lege egitasmoaren azterketari, eta azken eztabaidetik gaueko ordu txikietaraino iraun zuten, legearen azterketa osoa bukatzeko. Orotara Sarkozyren testuak 450 zuzenketa izan ditu. Diputatuek urtarrilaren 28an bozkatuko dute legea, bere osotasunean. Ondoren, Senatuak martxoan onetsi beharko du, indarrean sartu aitzin.

Iragarri bezala, zuzenketek ez dute aldaketa handirik eragin egitasmoan, hastapeneko xedek gogortzeko izan ez bada. Etxebizitzetako pasabideen zirkulazioaren kasuan, adibidez, Poliziak eta Jendarmeriak atari zein gunen publikoetan biltzen

diren jendeak atxilotzeko baimena ukanen dute. Eskuinak aurkeztu emendakinei esker, udaltzaingoak ere ukanen du ahalmen hori, nahiz eta udaltzaingoaren zeregina anitzetan zehaztu gabe egon eta horretarako prestakuntza berezirik ez ukan.

Oro har, eskuinak eta zentroak besoak zabalik onetsi dute lege berria eta oposizioak gogor gaitzetsi ditu neurri gehienak. Adibidez, ezkerak gogor salatu du atxilotuen eskumenetan gertatuko den eskubide murrizketa. Orain artean atxilotuak lehen orduetan abokatuarekin mintzatzeko eskubidea zeukan eta orain, aldiz, 36. orena pasa arte igurikatu beharko du.

Noel Mamere diputatu Berdeak lege berriak askatasunak murriztu eta zangopilatu nahi dituela azpimarratu zuen. Bere ustetan, legeak jendarteko sail ahul eta txiroenak jotzen ditu zuzen-zuzenean: gazteak, po-break, auzotegiak, arrotzak, eta gurasoak.

Frantziako zigor kodeak atxilotuen eskubideak murriztu eta



JEAN LOUP GAUTREAU / EPA

Sarkozyren legearen kontrako protestaldia, Parisen.

emeki-emeki salaketa sistema bati buruz doala adierazi du Bernard Chambel abokatuen dekanok.

Paul Albert Iweins Pariseko dekanorekin iritziz, «jendeek ulertu beharko dute egunen batean, nahi ala ez, egun arruntzat hartzen dituzten neurri tekniko horiek eragina ukanen dutela berengan».

ALDAKETAK

Iragarritako neurri gogorrak onartu dituzte

Frantziako Legebiltzarrak ez ditu eztitu Sarkozyren lege egitasmoak iragarritako neurriak. Zenbait kasutan, hastapeneko xedea gogortu egin da eskuineko diputatuen zuzenketen ondorioz.

BIDAIARIAK. Legeak atal horretan kokatzen ditu ijitoak. Engoitik sei hilabeteko espetxe zigorra eta 3.750 euroko isuna ezar diezaiokete eremu bat baimenik gabe erabiltzeagatik. Okupazioan autoa erabiltzen denerako, gidatzeko baimena hiru urtez kentzea aurreikusi dute.

AMOAIA. Lege berriaren arabera, amoina eske «oldarkor» aritzen den pertsonari sei hilabeteko espetxe zigorra eta 3.750 euroko zigorra ezar dakioke. Norbaitek inor bat amoina eskatzera behartzen badu, bere ekimena ustiatuz,

hiru urteko espetxe zigorra eta 45.000 euroko isuna paira dezake.

PASABIDEAK. Etxebizitzetako atari zein gunen publikoak tratatzea eta pasabidea eragozteagatik, zigorra bi hilabeteko espetxealdia eta 3.750 eurokoa izan daiteke. Sarrera debekaturik daukaten etxebizitza okupatzen duten pertsonen ere zigor bera ezar diezaiokete.

OKUPAZIOA. Norbaitek besteri okupaturiko etxe bat alokatuz gero, urtebeteko espetxealdia eta 15.000 euroko zigorra har dezake.

PROSTITUZIOA. Eskaintza pasiboaren irudia sortzen da. Norbaitek pasiboki prostituzioa eskaintzen ari den kasuetan, zigorra bi hilabeteko espetxealdia eta 3.750 eurokoa izan daiteke. Bereziki ez kriminalizatzea erabaki zuen Legebiltzarrak.



Gobierno de Navarra
Nafarroako Gobernua

ZUBIARTE EUSKALTEGIAN OTSAILETIK EKAINERA BITARTEKO IKASTALDIAN MATRIKULA EGITEKO EPEA

Hezkuntza eta Kultura Departamentuak ZUBIARTE Euskaltegian bigarren ikastaldia (otsaila-ekaina) egiteko matrikula-datuak jakinarazten ditu: epea, otsailaren 3tik 6ra bitartean; ordutegia, goizez 9:30etik 13:30era eta arratsaldean 17:00etatik 19:30era; lekua, ikastegian bertan (Mokarte Parkea, z/g, Uharte); Telefonoa: 948361091.

Eskolak otsailaren 17an hasiko dira eta ekainaren 23an bukatuko dira.

Ikastaro mota hauek eskaintzen dira:

4 ORDUKO TRINKOAK

Maila guztiak: astelehenetik ostiralera

Goizetan 9:00etatik 13:30ak arte (54,30€)

2 ORDUKO IKASTAROAK

Maila guztiak: astelehenetik ostiralera

Goizean: 8:00etatik 10:00etara (27,10€)

10:30etik 12:30era (" ")

Arratsaldean: 14:30etik 16:30era (" ")

16:45etik 18:45era (" ")

19:00etatik 21:00etara (" ")

Txandakako langileentzat:

Astelehenetik ostiralera, goizez zein arratsaldean

1. maila:

Goizean, 9:30etik 11:30era eta arratsaldean, 18:00etatik 20:00etara

2. eta 3. maila:

Goizean, 9:30etik 11:30era eta arratsaldean, 16:45tik 18:45etara (27,10€)

3 ORDUKO IKASTAROAK

Maila guztiak: Astelehen, astearte eta ostegunetan

Goizean: 09:30etik 12:45era (27,10€)

Arratsaldean: 17:30etik 20:45era (" ")

Alfabetatzen

Arratsaldean: 17:30etik 20:45era (" ")

EUSKARA HEGAN: hiru egun astean: 19:00etatik 21:00etara (16,26€)

Ikasle berriek argazki bat ekarri eta mailaktze proba egingo dute. Proba horiek otsailaren 3tik 6ra egingo dira. Halaber, matrikulaz gain 16,60€ ordaindu beharko dute lehenbiziko aldia izateagatik. Bestalde, ikasle guztiek 7€ ordaindu beharko dute zerbitzu orokorrenagatik.

Ikastaro bakoitzeko talde zein ikasle kopurua mugatua da.